

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԾԱՌԱՅՈՒԹՅԱՆ ՄԱՏՈՒՑՄԱՆ  
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ  
№ ՀՀ-ԲՆ-ԳՀ-ԾՁԲ-18/08-2**

ք.երևան

«28» «02» 2018թ.

ՀՀ բնապահպանության նախարարությունը, ի դեմս նախարարության աշխատակազմի ղեկավար Հ.Հովհաննիսյանի, որը գործում նախարարության կանոնադրության հիման վրա, այսուհետ «Պատվիրատու», մի կողմից, և «Շրջակա միջավայրի մոնիթորինգի և տեղեկատվության կենտրոն» ՊՈԱԿ-ն, ի դեմս տնօրեն Ս.Պապյանի, որը գործում է ընկերության կանոնադրության հիման վրա, այսուհետ «Կատարող» մյուս կողմից, կնքեցին սույն պայմանագիրը (այսուհետ՝ Պայմանագիր) հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

- 1.1. Պատվիրատուն հանձնարարում է, իսկ Կատարողը ստանձնում է **Համակարգչային սարքերի և սարքավորումների սպասարկման և վերանորոգման ծառայությունների** մատուցման պարտավորությունը (այսուհետ՝ ծառայություն)՝ համաձայն Պայմանագրի (այսուհետ՝ պայմանագիր) անբաժանելի մասը կազմող Հավելված №1-ով սահմանված Տեխնիկական բնութագիր-գնման ժամանակացույցի պահանջների:
- 1.2. Ծառայությունը մատուցվում է պայմանագրի Հավելված №1-ով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1. Պատվիրատուն իրավունք ունի՝**

- 2.1.1. Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.
- 2.1.2. Եթե մատուցվել է պայմանագրի Հավելված №1-ում նշված Տեխնիկական բնութագիր-գնման ժամանակացույցին չհամապատասխանող ծառայություն.
  - ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.
  - բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.
- 2.1.3. Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝
  - ա) մատուցված ծառայությունը չի համապատասխանում պայմանագրի Հավելված №1-ով սահմանված պահանջներին կամ մատուցել է անպատշաճ որակի ծառայություն,
  - բ) խախտվել է ծառայության մատուցման ժամկետը:

**2.2. Պատվիրատուն պարտավոր է՝**

- 2.2.1. Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:
- 2.2.2. Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

**2.3. Կատարողն իրավունք ունի՝**

- 2.3.1. Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

**2.4. Կատարողը պարտավոր է՝**

- 2.4.1. Պայմանագրի Հավելված №1-ով սահմանված Տեխնիկական բնութագիր-գնման ժամանակացույցով նախատեսված Ծառայության մատուցումը սկսել Պատվիրատուի բանավոր կամ գրավոր հանձնարարությունը ստանալուց հետո մեկ ժամվա ընթացքում, եթե Կատարողի բանավոր կամ գրավոր առաջարկությամբ և Պատվիրատուի բանավոր կամ գրավոր համաձայնությամբ այլ ժամկետներ չեն սահմանվել:
- 2.4.2. Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:
- 2.4.3. Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:



- 2.4.4. Եթե կատարողը ծառայությունների մատուցելիս խոտանել է իրեն հանձնված գույքը, ապա պարտավոր է իր հաշվին վերականգնել այն: Ընդ որում, խոտանված գույքի վերականգնման համար գործում է սույն պայմանագրի 2.1.2 և 2.4.1 կետերով սահմանված դրույթները:

### 3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ


- 3.1. Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:
- Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (Հավելված №2.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (Հավելված №2): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):
- 3.2. Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 (հինգ) աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:
- 3.3. Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:
- 3.4. Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

### 4. ՊԱՅՄԱՆԱԳՐԻ ԳԻՆԸ

- 4.1. Պայմանագրով Կատարողի մատուցման ենթակա ծառայության գինը կազմում է **510 000 (հինգ հարյուր տասը հազար)** ՀՀ դրամ, ներառյալ ԱԱՀ-ն:
- Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:
- Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:
- 4.2. Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

### 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:
- 5.2. Պայմանագրի Հավելված №1-ում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:




- 5.3. Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:
- 5.4. Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:
- 5.5. Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:
- 5.6. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:
- 5.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## **6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)**

Պայմանագրով և Պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## **7. ԱՅԼ ՊԱՅՄԱՆՆԵՐ**

- 7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:  
 Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:
- 7.2. Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:
- 7.3. Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:
- 7.4. Պայմանագրի հետ կապված վեճերը ենթակա են քննության Հայաստանի Հանրապետության դատարաններում:
- 7.5. Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:  
 Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:  
 Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:



- 7.6. Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:
- 7.7. Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:  
 Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:
- 7.8. Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:
- 7.9. Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:
- 7.10. Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:
- 7.11. Պայմանագիրը կազմված է 5 (հինգ) էջից, կնքվում է երկու օրինակից, որոնք ունեն հավասարազոր իրավաբանական ուժ: Պայմանագրի Հավելվածներ N°N° 1-ը; 2-ը և 2.1-ը հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:
- 7.12. Պայմանագրի նկատմամբ կիրառվում է Հայաստանի Հանրապետության իրավունքը:

**8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**

**ՊԱՏՎԻՐԱՏՈՒ**

«ՀՀ բնապահպանության նախարարություն»

ք.Երևան, Կառավարական 3-րդ շենք  
 ՖՆ աշխատակազմի գործառնական վարչություն


«ՎՎՎՎ 900011018646  
 «ՎՎՎՎ 02507198

«ՀՀ բնապահպանության նախարարության  
 աշխատակազմի ղեկավար

**Հ.Հովհաննիսյան**

*(Ստորագրություն)*

**Կ.Տ.**



**ԿԱՏԱՐՈՂ**

«Շրջակա միջավայրի մոնիթորինգի և տեղեկատվության կենտրոն» ՊՈԱԿ

ք.Երևան, Չարենցի 46

«ՎՏԲ-Հայաստան Բանկ» ՓԲԸ

«ՎՎՎՎ 16048321347800

«ՎՎՎՎ 02659596

«Շրջակա միջավայրի մոնիթորինգի և տեղեկատվության կենտրոն» ՊՈԱԿ-ի տնօրեն

**Ա.Պապյան**



*(Handwritten signatures)*

**ՊԱՏՎԻՐԱՏՈՒ**  
 ՀՀ բնապահպանության նախարարության  
 աշխատակազմի ղեկավար  
**Հ.Հովհաննիսյան**  
 (ստորագրողություն)  
 Կ.Տ.

**ԿԱՏԱՐՈՂ**  
 «Շրջակա միջավայրի մոնիթորինգի և տեղեկատվության  
 կենտրոն» ՊՈԱԿ-ի տնօրեն  
**Ս.Պապյան**  
 (ստորագրողություն)  
 Կ.Տ.

**ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՄ**

հրավերով նախատեսված չափաբաժնի համարը	Ծառայությունների անվանումները	Միավոր	Միավորի գինը	
4	<b>Անխափան սնուցման սարքի վերանորոգում</b>			
	4.1	Ղեկավարող սալիկի վերանորոգում	հատ	700
	4.2	Մարտկոցի փոխարինում (առանց Մարտկոցի)	հատ	500
	4.3	Մարտկոցի փոխարինում ներառյալ Մարտկոցը 12Վ/4Ա	հատ	6000
	4.4	Մարտկոցի փոխարինում ներառյալ Մարտկոցը 12Վ/7Ա	հատ	7000
	4.5	Մարտկոցի փոխարինում ներառյալ Մարտկոցը 12Վ/17Ա	հատ	12000
	4.6	Մարտկոցի փոխարինում ներառյալ Մարտկոցը 12Վ/24Ա	հատ	13600
6	<b>Համակարգչային ցանցի վերանորոգում</b>			
	6.1	Սվիչ տեղադրում (առանց պահեստամասերի)	հատ	500
	6.2	Սվիչ տեղադրում ներառյալ Սվիչ 10/100/1000 8 պորտ Դ-Լինկ (D-LINK SWITCH 10/100/1000 8 PORT), կամ համարժեքը	հատ	6000
	6.3	Սվիչ տեղադրում ներառյալ Սվիչ 10/100/1000 16 պորտ Դ-Լինկ (D-LINK SWITCH 10/100/1000 16 PORT), կամ համարժեքը	հատ	15000
	6.4	Սվիչ տեղադրում ներառյալ Սվիչ 10/100/1000 24 պորտ Դ-Լինկ (D-LINK SWITCH 10/100/1000 24 PORT), կամ համարժեքը	հատ	19000
	6.5	Ցանցային ուղորդիչ Միկրոտիկ RB750 կամ համարժեքը	հատ	15000
	6.6	Ցանցային ուղորդիչ Միկրոտիկ RB1100 AHx2 կամ համարժեքը	հատ	207000
	6.7	Սվիչ տեղադրում ներառյալ Սվիչ տեղադրում ներառյալ Սվիչ 10/100/1000 16 պորտ Դ-Լինկ (D-LINK SWITCH 10/100/1000 16 PORT), կամ համարժեքը	հատ	15000
	6.8	Սվիչ տեղադրում ներառյալ Սվիչ տեղադրում ներառյալ Սվիչ 10/100/1000 24 պորտ Դ-Լինկ (D-LINK SWITCH 10/100/1000 24 PORT), կամ համարժեքը	հատ	21000
	6.9	Մալուխի անցկացում (գծամետր առանց մալուխի)	հատ	100
	6.10	Մալուխի անցկացում ներառյալ Մալուխի գինը (գծամետր)	հատ	200
	6.11	Մալուխ, պրնձե 2XՓ2.5սմ <sup>2</sup>	մետր	200
	6.12	Մալուխ, պրնձե 2XՓ1.5սմ <sup>2</sup>	մետր	150
	6.13	Վարդակ	հատ	500
	6.14	Մալուխի ամրակ	հատ	0.01
6.15	Լարի անցկացման աշխատանքներ	գմ	100	
7	<b>Լազերային տպիչի վերանորոգում</b>			
	7.1	Լիցքավորում (լազերային տպիչների առանց տոների)	հատ	600
	7.2	Լիցքավորում լազերային տպիչների ներառյալ տոները ՀՊ ԼՁ 1005/1006/1505(Քենոն 712)/1505, կամ համարժեքը (HP LJ 1005/1006/1505 (Canon 712)/1505, կամ համարժեքը	հատ	1200
	7.3	Լիցքավորում լազերային տպիչների ներառյալ տոները ՀՊ ԼՁ 5L/6L (Քենոն ԵՊ Ա)/1100 (Քենոն ԵՊ 22), 1200 (Քենոն ԵՊ 25) /1300/1150/1160/1320/2015, կամ համարժեքը (HP LJ 5L/6L(Canon EP A)/HP LJ 1100(Canon EP 22) /HP LJ 1200(Canon EP 25)/1300/1150/1160/1320/2015), կամ համարժեքը	հատ	1200
	7.4	Լիցքավորում լազերային տպիչների ներառյալ տոները Քենոն ԵՊ 26/27/Ֆիքս9/10 (Canon EP 26/27,FX9/10), կամ համարժեքը	հատ	1200
	7.5	Լիցքավորում լազերային տպիչների ներառյալ տոները ՀՊ ԼՁ 1010,1012,1015, 1018, 1020, 1022 (HP LJ 1010,1012,1015, 1018, 1020, 1022 Q2612A (Canon 303/703)) 140 գրամ, կամ համարժեքը	հատ	1200
	7.6	Լիցքավորում լազերային տպիչների ներառյալ տոները ՀՊ ԼՁ 5Պ/6Պ (HP LJ 5P/6P), կամ համարժեքը լազերային տպիչի համար	հատ	1350

7.7	Լիցքավորում լազերային տպիչների ներառյալ տոները ՀՊ ԼՋ 4000/4050 (HP LJ 4000/4050), կամ համարժեքը լազերային տպիչի համար	հատ	1200
7.8	Լիցքավորում լազերային տպիչների ներառյալ տոները ՀՊ ԼՋ 2100/2200 (HP LJ 2100/2200), կամ համարժեքը լազերային տպիչի համար	հատ	1200
7.9	Լիցքավորում լազերային տպիչների ներառյալ տոները ՀՊ ԼՋ 2300 (HP LJ 2300), կամ համարժեքը լազերային տպիչի համար	հատ	1200
7.10	Լիցքավորում լազերային տպիչների ներառյալ տոները ՀՊ ԼՋ 3005 (HP LJ 3005), կամ համարժեքը	հատ	1200
7.11	Լիցքավորում լազերային տպիչների ներառյալ տոները ՀՊ ԼՋ 2420/2430 (HP LJ 2420/2430), կամ համարժեքը լազերային տպիչի համար	հատ	1200
7.12	Լիցքավորում լազերային տպիչների ներառյալ տոները ՀՊ ԼՋ 4L/4Պ (HP LJ 4L/4P), կամ համարժեքը լազերային տպիչի համար	հատ	1200
7.13	Լիցքավորում լազերային տպիչների ներառյալ տոները ՀՊ ԼՋ 4/4+/5 (HP LJ 4/4+/5), կամ համարժեքը լազերային տպիչի համար	հատ	1200
7.14	Լիցքավորում լազերային տպիչների ներառյալ տոները ՀՊ ԼՋ 4100 (HP LJ 4100), կամ համարժեքը լազերային տպիչի համար	հատ	1200
7.15	Լիցքավորում լազերային տպիչների ներառյալ տոները ՀՊ ԼՋ 4200 (HP LJ 4200), կամ համարժեքը, լազերային տպիչի համար	հատ	1200
7.16	Լիցքավորում լազերային տպիչների ներառյալ տոները ՀՊ ԼՋ 4300 (HP LJ 4300), կամ համարժեքը, լազերային տպիչի համար	հատ	1200
7.17	Լիցքավորում լազերային տպիչների ներառյալ տոները ՀՊ ԼՋ 4350 (HP LJ 4350), կամ համարժեքը, լազերային տպիչի համար	հատ	1200
7.18	Լիցքավորում լազերային տպիչների ներառյալ տոները ՀՊ ԼՋ 5000 /5100/5200 (HP LJ 5000/5100/5200), կամ համարժեքը	հատ	1200
7.19	Լիցքավորում լազերային տպիչների ներառյալ տոները ՀՊ ԼՋ 8100/8150 (HP LJ 8100/8150), կամ համարժեքը	հատ	1200
7.20	Լիցքավորում լազերային տպիչների ներառյալ տոները ՀՊ ԼՋ 1600/2600 (HP LJ 1600/2600), կամ համարժեքը, լազերային տպիչի համար	հատ	1200
7.21	Լիցքավորում լազերային տպիչների ներառյալ տոները ՀՊ ԼՋ 2500/2550 (HP LJ 2500/2550), կամ համարժեքը	հատ	5500
7.22	Լիցքավորում լազերային տպիչների ներառյալ տոները ՀՊ ԼՋ 3500/3550/3600 (HP LJ 3500/3550/3600), կամ համարժեքը	հատ	5500
7.23	Լիցքավորում լազերային տպիչների ներառյալ տոները ՀՊ ԼՋ 4600/4700 (HP LJ 4600/4700), կամ համարժեքը	հատ	5000
7.24	Լիցքավորում լազերային տպիչների ներառյալ տոները Քսերոքս Պ8ե/Պ16ե/3200/5400 (Xerox P8e/P16e/3200/5400), կամ համարժեքը	հատ	1400
7.25	Լիցքավորում լազերային տպիչների ներառյալ տոները Էպսոն ԵՊԼ 6200 (Epson EPL 6200), կամ համարժեքը	հատ	1200
7.26	Լիցքավորում լազերային տպիչների ներառյալ տոները Էպսոն Յ900/1100/1900 (Epson C900/1100/1900) կամ համարժեքը	հատ	1200
7.27	Լիցքավորում լազերային տպիչների ներառյալ տոները Լեքսմարկ Ե250/260 (Lexmark E250/260) կամ համարժեքը	հատ	1760
7.28	Լիցքավորում լազերային տպիչների ներառյալ տոները Բրադեր ՊԼ1240 (Brother PL1240) կամ համարժեքը	հատ	1200
7.29	Լիցքավորում լազերային տպիչների ներառյալ տոները Սամսունգ ՄԼ 1210/1610 ( Samsung ML 1210/1610) կամ համարժեքը	հատ	1200
7.30	Լիցքավորում Ricoh SP 150SU կամ համարժեք տպիչ/պատճենահանման մեքենա/սկանների (բազմաֆունկցիոնալ լազերային) ներառյալ տոները	հատ	1200
7.31	Վերանորոգում Ricoh SP 150SU կամ համարժեք տպիչ/պատճենահանման մեքենա/սկանների (բազմաֆունկցիոնալ) ներառյալ պահեստամասերը	հատ	1200
7.32	Լիցքավորում լազերային տպիչների ներառյալ տոները Դելլ 1720 ( Dell 1720) կամ համարժեքը	հատ	1540
7.33	Լիցքավորում լազերային տպիչների (սև) ներառյալ քարթրիջի չիպը, կամ համարժեքը	հատ	3250
7.34	Լիցքավորում լազերային տպիչների (գունավոր) ներառյալ քարթրիջի չիպը, կամ համարժեքը	հատ	1000
7.35	Վերանորոգում (առանց պահեստամասերի)	հատ	0
7.36	Վառարանի թերմոթաղանթի փոխարինում (առանց թերմոթաղանթի)	հատ	3000
7.37	Վառարանի թերմոթաղանթի փոխարինում ներառյալ թերմոթաղանթ (HP/Canon կամ համարժեքը )	հատ	600
7.38	Վառարանի տեֆլոնե լիսեռի փոխարինում (առանց պահեստամասերի)	հատ	600
7.39	Վառարանի տեֆլոնե լիսեռի փոխարինում ներառյալ Տեֆլոնե լիսեռ (HP/Canon կամ համարժեքը)	հատ	10000
7.40	Վառարանի ռետինե լիսեռի փոխարինում (առանց պահեստամասերի)	հատ	600
7.41	Վառարանի ռետինե լիսեռի փոխարինում ներառյալ Վառարանի ռետինե լիսեռ (HP/Canon կամ համարժեքը)	հատ	6000
7.42	Թմբուկի փոխարինում առանց լիցքավորման (առանց պահեստամասերի)	հատ	500

	7.43	Թմբուկի փոխարինում առանց լիցքավորման ներառյալ Թմբուկ Laser Jet ՀՊ LՋ 1005/1006/1505(Քենոն 712)/1505,կամ համարժեքը (HP LJ 1005/1006/1505(Canon 712)/1505, կամ համարժեքը	հատ	1500
	7.44	Թմբուկի փոխարինում առանց լիցքավորման ներառյալ Թմբուկ Laser Jet 1100/5L/6L/4L/4P/1200/1150/1300/2100/4000(Canon LBP 800/810/1120/2900/1210) կամ համարժեքը	հատ	1500
	7.45	Կարատրոնի փոխարինում առանց լիցքավորման ներառյալ Կարատրոնը Laser Jet HP 1100/5L/6L/4L/4P/1200/1150/1300/2100/4000(Canon LBP 800/810/1120/2900/1210) կամ համարժեքը	հատ	1100
	7.46	Մագնիսական լիսերի փոխարինում առանց լիցքավորման ներառյալ մագնիսական լիսերը Laser Jet ՀՊ LՋ 1005/1006/1505(Քենոն 712)/1505, կամ համարժեքը (HP LJ 1005/1006/1505(Canon 712)/1505, կամ համարժեքը	հատ	1200
	7.47	Մագնիսական լիսերի փոխարինում առանց լիցքավորման ներառյալ մագնիսական լիսերը Laser Jet HP 1100/5L/6L/4L/4P/1200/1150/1300/2100/4000(Canon LBP 800/810/1120/2900/1210) կամ համարժեքը	հատ	1500
	7.48	Մաքրող դանակի փոխարինում (առանց պահեստամասերի)	հատ	500
	7.49	Մաքրող դանակի փոխարինում ներառյալ Մաքրող դանակ (HP LJ, Canon LBP կամ համարժեքը)	հատ	1300
	7.50	Բաժանիչ հարթակի փոխարինում	հատ	600
	7.51	Բաժանիչ հարթակի փոխարինում ներառյալ Բաժանիչ հարթակ (HP LJ ,Canon LBP կամ համարժեքը )	հատ	2000
	7.52	Թղթի մատուցման ռետինե լիսերի փոխարինում	հատ	600
	7.53	Թղթի մատուցման ռետինե լիսերի փոխարինում ներառյալ Թղթի տրման ռետինե լիսեր (HP LJ, Canon LBP կամ համարժեքը)	հատ	1500
<b>8</b>	<b>Թանաքաշիթային տպիչի վերանորոգում</b>			
	8.1	Վերանորոգում (առանց պահեստամասերի)	հատ	2500
	8.2	Լիցքավորում սև ներկով 10 մլ և պակաս քանակով, կամ համարժեքը	հատ	1000
	8.3	Լիցքավորում գունավոր ներկով 10 մլ և պակաս քանակով, կամ համարժեքը	հատ	1000
	8.4	Լիցքավորում սև ներկով 10-20 մլ քանակով, կամ համարժեքը	հատ	2000
	8.5	Լիցքավորում գունավոր ներկով 10-20 մլ քանակով, կամ համարժեքը	հատ	2000
	8.6	Լիցքավորում սև ներկով 20 մլ-ից ավել քանակով, կամ համարժեքը	հատ	2900
	8.7	Լիցքավորում գունավոր ներկով 20 մլ-ից ավել քանակով, կամ համարժեքը	հատ	3000
<b>Գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)</b>			<b>50311120</b>	
<b>Ծառայության մատուցման ժամկետները</b>			Պայմանագրի 2.4.1 կետով սահմանված ժամկետներում: Չափաբաժիններ 7 և 8- ով նախատեսված լիցքավորումները մեկ ժամվա ընթացքում:	
<b>Ընդհանուր ծառայության մատուցման ավարտը՝</b>			<b>15.12.2018թ.</b>	

- Փոխարինվող մասերի նոր և չօգտագործված լինելու պայմանը պարտադիր է:
- Տպիչների քարթրիջները լիցքավորումից հետո տպագրվող էջերի քանակը պետք է համապատասխանի գործարանային լիցքավորմանը, թույլատրելի շեղումը ոչ ավելի 5 տոկոս:



Հավելված №2  
 « 28 » « 02 » 2018թ. կնքված  
 «ՀՀ-ԲՆ-ԳՀ-ԾՁԲ-18/08-2» ծածկագրով պայմանագրի

**ՊԱՏՎԻՐԱՏՈՒ**

ՀՀ Մարտի 1-ին հանրապետության նախարարության  
 պշխատակազմի ղեկավար


**Հ. Տովհաննիսյան**

(ստորագրություն)  
**Կ.Տ.**

**ԿԱՏԱՐՈՂ**

«Նրջակա միջավայրի մոնիթորինգի և տեղեկատվության  
 կենտրոն» ՊՈԱԿ-ի տնօրեն

**Ս. Պապյան**



**ՎՃԱՐՄԱՆ ԺԱՄԱՆԱԿԱԿՑՈՒՅՑ**

(հազար դրամ)

Իրավերով նախատեսված ծախսաբաժնի համարը	Գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	Ծառայության										Մոզորտուշ			
			մոխիդրակ	մոխիստղզի	տմր	Լվվոմ	ովմոյ	ովդրակ	ովիսկ	ոստոսո	ձգձրոտոյ	ձգձրոտիսկ		ձգձրոտիգն		
4		Անխական սնուցման սարքի վերանորոգում	-	4.0	8.0	12.0	16.0	20.0	24.0	28.0	32.0	36.0	40.0	40.0	40.0	40.0
6		Համակարգչային ցանցի վերանորոգում	-	30.0	60.0	90.0	120.0	150.0	180.0	210.0	240.0	270.0	300.0	300.0	300.0	300.0
7	50311120	Լազերային տպիչի վերանորոգում	-	12.0	24.0	36.0	48.0	60.0	72.0	84.0	96.0	108.0	120.0	120.0	120.0	120.0
8		Թանաքաշիթային տպիչի վերանորոգում	-	5.0	10.0	15.0	20.0	25.0	30.0	35.0	40.0	45.0	50.0	50.0	50.0	50.0
<b>Ընդամենը</b>			-	<b>51.0</b>	<b>102.0</b>	<b>153.0</b>	<b>204.0</b>	<b>255.0</b>	<b>306.0</b>	<b>357.0</b>	<b>408.0</b>	<b>459.0</b>	<b>510.0</b>	<b>510.0</b>	<b>510.0</b>	<b>510.0</b>

**ՊԱՏՎԻՐԱՏՈՒ**

ՀՀ բնապահպանության նախարարություն  
ք.Երևան, Կառավարական 3-րդ շենք

ՖՆ աշխատակազմի գործառնական վարչություն

ՀՀ 900011018646  
ՀՎՀՀ 02507198

**ԿԱՏԱՐՈՂ**

Շրջակա միջավայրի մոնիթորինգի և տեղեկատվության կենտրոն» ՊՈԱԿ

ք.Երևան, Չարենցի 46

«ՎՏԲ-Հայաստան Բանկ» ՓԲԸ

ՀՀ 16048321347800  
ՀՎՀՀ 02659596

**ԱՐՁԱՆԱԳՐՈՒԹՅՈՒՆ №**  
**ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ**  
**ՀԱՆՁՆՄԱՆ-ԸՆԴՈՒՆՄԱՆ**

« \_\_\_\_\_ » « \_\_\_\_\_ » 2018թ.

Պայմանագրի /այսուհետ՝ Պայմանագիր/ անվանումը՝ **Պեպոության կարիքների համար ծառայության մատուցման պետական գնման պայմանագիր**

Պայմանագրի կնքման ամսաթիվը՝ « 28 » « 02 » 2018 թ.

Պայմանագրի համարը՝ ՀՀ-ԲՆ-ԳՀ-ԾՁԲ-18/08-2

Պատվիրատուն և Կատարողը հիմք ընդունելով պայմանագրի կատարման վերաբերյալ « \_\_\_\_\_ » « \_\_\_\_\_ » 2018թ. դուրս գրված № \_\_\_\_\_ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Կատարողը մատուցել է հետևյալ ծառայությունները՝

№	Մատուցված ծառայությունների							
	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք են հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

**Ծառայությունը հանձնեց**

\_\_\_\_\_  
ստորագրություն  
  
\_\_\_\_\_  
ազգանուն, անուն  
Կ.Տ.

**Ծառայությունն ընդունեց**

\_\_\_\_\_  
ստորագրություն  
  
\_\_\_\_\_  
ազգանուն, անուն  
Կ.Տ.

**ԱԿՏ №**  
**պայմանագրի արդյունքը Պատվիրատուին հանձնելու փաստը ֆիքսելու վերաբերյալ**

Սույնով արձանագրվում է, որ ՀՀ բնապահպանության նախարարության (այսուհետ՝ Պատվիրատու) և «Շրջակա միջավայրի մոնիթորինգի և տեղեկատվության կենտրոն» ՊՈԱԿ-ի (այսուհետ՝ Կատարող) միջև « 28 » « 02 » 2018 թվականին կնքված №ՀՀ-ԲՆ-ԳՀ-ԾՁԲ-18/08-2 գնման պայմանագրի շրջանակներում Կատարողը «\_\_» «\_\_\_\_» 2018 թվականին հանձնման-ընդունման նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

**ԿՈՂՄԵՐԸ**

**Հանձնեց**

\_\_\_\_\_  
 ազգանուն, անուն  
 \_\_\_\_\_  
 ստորագրություն

**Ընդունեց**

հայտը նախագծած ներկայացուցիչ՝

\_\_\_\_\_  
 ազգանուն, անուն  
 \_\_\_\_\_  
 ստորագրություն